

## **UGOVORA o nabavci sefa**

Zaključen dana 01.12.2022. godine između slijedećih ugovornih strana:

Općinski sud u Tuzli, sa sjedištem u Tuzli ulica ZAVNOBIH-a bb, zastupan po predsjedniku suda dr. sci. Muhamedu Tulumoviću, ID broj: 4209391920002 (u daljem tekstu: Ugovorni organ)

i

ProTim d.o.o. Sarajevo, ulica Dobrinjske bolnice 1 A, Sarajevo, Sarajevo – Novi Grad, zastupan po Dino Duran, direktor, ID broj: 4202459050007, (u daljem tekstu. Dobavljač ),

### Član 1.

Predmet ugovora je nabavka i isporuka roba - nabavka sefa, JRJN – 44421300-0, za dokumenta koji ima certifikat za zaštitu od požara 120 minuta prema NT Fire 17 120 P, da posjeduje dvije pomične police i ladicu na zaključavanje, sa sledećim karakteristikama:

- visina: 1280 mm
- širina: 735 mm
- dubina: 630 mm
- volumen: 272 L
- visina unutaranja: 1125 mm
- širina unutaranja: 580 mm
- dubina unutaranja: 465 mm
- boja: siva
- material: metal
- broj polica: 2
- način zaključavanja: Brava na ključ
- težina: 340 kg
- montaža: dolazi sastavljeno
- testirano: NT Fire 017, 120 P
- garancija: 1 godina

količina: 2(dva) komada.

Sastavni dio ovog Ugovora je prihvaćena Ponuda Dobavljača broj: 485/2022 od 08.11.2022. godine.

### Član 2.

Dobavljač se obavezuje da će na isporučenu robu iz člana 1. ugovora u pogledu nedostataka na ime kvaliteta izvršene nabavke i dostavljene robe po eventualnim primjedbama Kupca, postupati u roku od 7 dana od dana isporuke iste.

Kupac će utvrditi razuman rok za ispravku propusta Dobavljača u smislu izvršene nabavke.

### Član 3.

Plaćanje će se izvršiti najkasnije u roku od 60 dana od datuma ispostave fakture za uredno isporučenu robu.

Plaćanje će se vršiti putem JRT Trezor Tuzlanskog kantona na žiro račun Dobavljača broj: 3387302212537891 kod UniCredit bank d.d.

Dobavljač se obavezuje da će u skladu sa članom 1. ovog Ugovora dostaviti robu, po zahtjevu Kupca.

#### Član 4.

Rok isporuke ugovorenog predmeta nabavke iz člana 1 ugovora je 60 dana računajući od dana obostranog potpisivanja ovog ugovora. Pod isporukom se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Ugovorni organ mogao primiti isporuku u skladu sa uslovima iz ponude. Mjesto izvršenja obaveze Dobavljača iz člana 1. ovog Ugovora je Općinski sud u Tuzli. Do isporuke predmeta nabavke Dobavljača rizik slučajne propasti ili oštećenja predmetne nabavke snosi Dobavljač, a s isporukom /predajom predmeta nabavke rizik prelazi na Ugovorni Organ. Rizik ne prelazi na Ugovorni organ ako je isti zbog nekog nedostatka isporučeno/predanog predmeta nabavke raskinuo ugovor ili tražio zamjenu predmeta.

#### Član 5.

Dobavljač odgovara za materijalne nedostatke stvari koje je ona imala u času prelaska rizika na Ugovorni organ bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Ugovorni organ ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički/ komisijski utvrđuju Ugovorni organ i Dobavljač. U obavijesti o nedostatku stvari Ugovorni organ je dužan potanje opisati nedostatak i pozvati Dobavljača da pregleda stvar. Ako obavijest o nedostatku koju je Ugovorni organ blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne Dobavljaču smatra se da je Ugovorni organ izvršio svoju obavezu da obavijesti Dobavljača. Nedostatak postoji ako ugovoreni /isporučeni/ predmet nabavke nema svojstva i odlike koje su izričito određene ovim ugovorom. Dobavljač odgovara i za nedostatke koje je Ugovorni organ mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike. Dobavljač odgovara ako na isporučenom predmetu nabavke postoji neko pravo trećeg koje isključuje, umanjuje ili ograničava pravo Ugovornog organa o čijem postojanju Ugovorni organ nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu opremu /robu, Ugovorni organ je dužan obavijestiti Dobavljača o tome (obavještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to Dobavljaču već poznato, i pozvati ga da u razumnom roku oslobodi stvar od prava ili pretenzije trećeg ili da mu isporuči drugu stvar bez pravnog nedostatka. Ako Dobavljač ne postupi po zahtjevu Ugovornog organa, ugovor se raskida.

#### Član 6.

Dobavljač daje garanciju za isporučenu opremu u trajanju od 1 godina.

Servis u garantnom roku je besplatan.

Tokom trajanja garantnog roka dobavljač se obavezuje u roku od 30 dana od dijagnosticiranja kvara, isti ukloniti, a u slučaju da to nije moguće, obavezuje se odmah izvršiti zamjenu tehnički neispravne opreme.

#### Član 7.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, a u suprotnom iste su saglasne da eventualne sporove rješava sud u Tuzli.

#### Član 8.

Sva prava i obaveze koji nisu regulisani ovim Ugovorom rješavat će se u skladu sa Zakonom o obligacionim odnosima.

## Član 9.

Ovaj Ugovor stupa na snagu danom potpisivanja obje ugovorne strane.

## Član 10.


Ugovor je sačinjen u četiri (4) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

## UGOVORNI ORGAN


za Predsjednik suda  
Dr.sci.Muhamed Tulumović

Broj: 032-0-Šu-22-000 5837

Mjesto i datum, Tuzla, 01



## DOBAVLJAČ



Broj

Mjesto i datum

STANCU, 01. 12. 2022.